

續集古今佛道論衡一卷

疑

西域天竺國事 唐沙門智昇撰

出後漢書列傳七十八

案漢法本內傳云明帝永平年中夜夢見丈六金人光明特異色相無比明帝寤不自安至旦大集群臣以占所夢通人傳毅奉荅曰臣聞西域有神号之為佛陛下所夢將必是之國子博士王遵謹對曰臣案周書異記云周昭王時有聖人出在西方太史蘇由對曰所記一千年外聲教被及此土陛下所夢必當是之明帝信以為然即遣中郎蔡愔與中郎將秦景博士王遵等十八人尋訪佛法至天竺國遇見沙門迦葉摩騰竺法蘭二人秦景等乃求請之摩騰二人誓志弘通不辭疲苦即共景等乃冒涉流沙至於洛陽明帝大悅甚尊重之即於洛陽西立精舍即今白馬寺是也本白馬負經來因以為名摩騰二人既至翻譯衆經二人為漢地僧之始經是漢地

法之初又釋迦像是優填王像師第四作之明帝即今圖畫模寫如法供養即是漢地三寶之初

永平十二年十二月十一日明帝在白馬寺設齋行道帝問法師摩騰曰佛處生化世滅度日月可知不法師對曰佛癸丑之年七月十五日夜託陰摩耶夫人甲寅之年四月八日在迦毗羅衛國藍毗尼園從母右脇而生案周書異記云周昭王即位二十四年甲寅歲四月八日江河泉池忽然汎漲井水並皆溢出宮殿人舍山川大地咸悉震動其夜五色光氣入貫太微遍於四方盡作青紅色周昭王問太史蘇由曰是何祥也蘇由對曰有聖人生在西方故現此瑞昭王曰於天下何如蘇由曰即時無他一千年外聲教被及此土昭王即遣鐫石記之埋在南郊天祠前當此之時佛生王宮壬申之年十九出家漢統師云佛十九出家當周昭王四十二年

壬申之歲三十成道漢統師云佛三十成道周穆王二年癸未之歲當陽化世四十九年漢統師云佛出世化物四十九歲案周書異記云周穆王即位三十二年見西方所有光氣先問蘇由所記知西方有聖人處化穆王不達其理恐非周道所宜令相國呂侯西入會諸侯於陰山以禳光變當此之時佛法久已處世壬申之年二月十五日臨般涅槃漢統師云佛入涅槃當周穆王五十二年壬申之歲案周書異記云周穆王即位五十二年壬申歲二月十五日平旦暴風忽起廢捐人舍傷折樹木山川大地皆悉震動午後天陰雲黑西方有白虹作十二道南北通過連夜不滅穆王問太史扈多曰是何徵也扈多對曰西方有聖人滅度衰相現也穆王大悅曰朕常懼於彼今將滅度朕何憂也當此之時佛入涅槃計佛入涅槃至今合有一千二十二年明帝大悅曰弟子此土周書異記法師所

說恰然與同帝復問法師曰佛是大慈法王當時出世何不化及此土法師對曰迦毗羅衛國者是三千大千世界百億日月之中三世諸佛皆從彼生乃至天龍鬼神有願行力者並生於彼受佛正法咸得悟道餘處衆生無緣感佛佛不往也當時佛不往處光明皆悉及之光明及者佛涅槃後或五百年或一千年之外皆有聖人傳佛聲教而教化之明帝曰法師言一千年外有聲教者亦與周書異記同案齊國大統法師達摩辭多羅答高黎國諸法師云佛當周昭王二十四年四月八日生當周孝王五年二月十五日入般涅槃案帝王世記云周昭王即位五十一年崩周穆王即位五十五年崩周恭王即位十二年崩懿王二十五年崩從昭王二十四年計至孝王五年合一百二十四年從佛初生計入涅槃合七十九年今言孝王五年者何太謬乎未知統師出何書典

案世傳記云正法五百年 像法一千年

末法一万年 經云息用名滅非死滅也一

本無像法有正末二法記從佛入涅槃計漢

明帝永平十年凡一千二十年從漢明帝永

平十年計至大業十年甲戌歲凡五百四十

八年合一千五百六十八年從大業十年至

貞觀十年歲次丙申二十二年

通前一千五百九十年

漢法本內傳第三

道士度脫品 明帝永平十四年正月一日

五岳諸山觀道士朝正之次先承京師向西

域天竺國取得佛本言是修多羅教復請胡

師迦葉摩騰竺法蘭二人等翻譯佛本一從

漢言又立白馬興聖二寺

勅度公子女令作沙門承事胡師遵用其法

京師貴賤奉敬者衆 諸道士怪焉遮守相

命曰至尊棄我道法遠求胡教我等今日朝

次各將太上天尊所制經書各盡己之所能

共上一表乞與胡師比較今至尊意悟使有

所歸 介時南岳道士褚善信等七十人將

靈寶真文一部 太上靈寶玉訣一部

空洞靈章一部 中玄步虛章一部

太上左仙公請問一部 自然五稱一部

諸天內音一部 合一百三卷

華岳道士劉正念等七十人

將智慧定志一部 智慧上品戒一部

仙人請問本行因緣一部 明真科一部

合六十二卷 恒岳道士桓文度等七十人

將本業上品一部 法科罪福一部

明真科齋儀一部 太上說洞玄真文一部

合八十卷 岱岳道士焦德心等七十人將

諸天靈書度命一部 太上說太極太虛自

然一部 滅度五練生屍一部

度自然處儀一部 合八十五卷

嵩岳道士呂惠通等一百四十人將太上安

志上品一部 三元誠品一部

太極左仙公神仙本起內傳一部

服御五芝立成一部 朝夕朝儀一部

合九十五卷

霍山天目山五臺山白鹿

山宮山合八山諸山觀道士祔文信等二百

七十人將太極真人敷靈寶文一部

太上洞玄靈寶天文五符經一部

步虛文一部 神仙藥法一部

尸解品一部 上天符錄勅禁一部

合八十四卷 并茅成子一部

許成子一部 列子一部

惠子一部

合二十七家諸子經書摠二百四十五卷

正月九日揚州界豫章郡吳丘縣南岳道士
褚善信以為表頭五岳十八山觀太上三洞
弟子道士褚善信等六百九十人死罪上言
臣聞太上無形無名無極無上虛無自然大
道元首自從造化道教從生無上無為之尊自然
之父上古同遵百王不易今陛下道邁羲皇

德過堯舜光澤四海八表歸仁臣等竊承陛下
下棄本追末求教西域臣觀西域所事者既
是胡師所說者不參華夏復請得胡道人令
翻其語託同似漢臣等思忖陛下雖翻得此
語恐非大道如不依信願陛下恕臣等罪聽
與驗試臣等五岳諸山道士多有聰明智慧
博通經典從元皇已來太上經術悉能曉了
太虛符呪並皆明達或有吞符餌氣或有策
使鬼神或有入火不燒或有履水不溺或有
白日昇天或有隱形於地至於方藥法術無
有不能者願陛下許臣等得與比較一則聖
上意安二則得辨真偽三則大道有歸四則
不乱華俗臣若比對不如任上重決若臣等
比對有勝乞除虛詐臣等誠惶誠恐死罪死
罪以聞 明帝又得沙門迦葉摩騰竺法蘭
等二人說法善明法相心大信敬既得道士
表聞即遣 尚書令宋庠引諸道士至長樂
宮前帝謂道士曰諸大德莫自誤也大德所言

太上無形無上爲尊自然之父者今日西域所將來是修多羅之教其教難遇今始東傳大德比來所學者影響耳非其真法大德今既見真法仍不捨本從未何異古人葉公之龍也褚信奉問曰若佛道是真應無形色去何圖畫其像以此驗之定非虛無自然之宗

帝曰摩騰法師曾爲朕說法言佛有四種法身所謂法報應化一者法身無爲無相無主無宗蕩寂空無自然澹泊二者報身獨立無侶朗然無足光耀世界自在隱顯三者應身備諸形色言行無端任物千留神應萬變四者化身開演正法導以三乘利潤蒼生隨機化寤諸大德須知佛有四種法身出沒自在不可思議其用也則万像俱應其息也則託入幽玄此是智慧之大山涅槃之巨海必須敬信得福無量

褚信問曰不審帝說涅槃是何句義帝曰涅槃無爲淡泊自然此四者一味耳如似眼目

異名焉

褚信問曰涅槃之義有幾種

帝曰摩騰法師曾與朕說法云涅槃義乃有多種言入聖位中者涅槃有五種一者隨分涅槃二者有餘涅槃三者覺滅涅槃四者方便涅槃五者究竟涅槃

褚信問曰未審五者其義云何 帝曰一者小乘初果須陀洹果斯陀含果阿那含果各受人天報盡得生初禪或生二禪或生三禪是名隨分涅槃二者小乘極果阿羅漢善蔽六根證七識空智得生四禪或生空處是名有餘涅槃三者中乘辟支佛果觀十二因緣證滅盡樂得生識處乃至非想非非想處是名覺滅涅槃四者大乘初地已上菩薩常居六道出入生死不捨衆生隨類受形而教化之清淨願行不退菩提是名方便涅槃五者菩薩於無量劫世常在生死海中歷諸勤苦修行善本成就万行得證無上正真正道是

名究竟涅槃

褚信奉答曰若佛是究竟涅槃願聽與試

帝曰卿若爲比試褚信對曰臣以太上天尊所說經典設壇置經壇上火焚之其法若真願火不燒其法若虛妄願從火化西域之教願與臣同於此試

帝曰卿無自辱焉朕恐卿等螢火之光明豈同日月之顯彈丸之土竊價隋國之珠寶非其類如欲相比卿既不相信可此月十五日平旦摠集白馬寺與卿比校道士旣得勅許歡忻而去諸道士在京師聚衆或在洛水上履水而行水不能溺或在園苑積薪自燒火

不能損或在京師市巷作種種呪禁呼策鬼

神京師觀者咸言大聖正月十一日

帝詣白馬寺至佛殿前燒香行道禮拜訖

問二法師誓首具說諸山道士功能欲來與師比校弟子輒不自量口以許之剋此月十五日大集白馬寺願師垂恩開示法藥摩騰

法師對曰如來滅度一千餘年正教東流法不虛設 道士欲來比校今正是時貧道雖處緇服戒行無取今仰憑正法諸佛威力得與開悟

帝聞此言心大歡喜摩騰法師復語曰陛下往修福業得爲天下主旣遇正法復能信心奉敬方欲引導群生指於歸處此是開基之功恩加萬葉菩薩之行功德難量

帝即整容禮摩騰法師足啓法師曰弟子往蒙法師光相喜滿交懷又屈法師持法宣化弟子一生再幸不勝慈澤法師大悅令帝復坐問竺法蘭法師曰西域有道士以不法師

對曰西域梵志者同此問道士

帝曰道有幾種以何爲宗法師對曰道有九十五種並宗正法其行有差欲可觀者八種梵行一者常修梵行博通外典事摩醯首羅天王以爲天尊求生空處識處非想非非想處二者常修梵行博通外典事大梵天王以

爲天尊求生初禪二禪三禪四禪三者常修
梵行博通外典以爲天尊求生燄摩天堯率
天化樂天他化自在天四者常修梵行博通
外典辯於論答事六師弟子等以爲師尊求
憑空滅絕有離無五者常修梵行志在仙學善
禁呪事阿私陀仙以爲仙尊求五神丹服之
若得仙道會假風鳥力得昇霄漢六者常修
梵行志在醫學善於符術事阿私陀仙以爲仙
尊求五芝草服之若得仙道會假商劣得匿
形影七者常修梵行事波頭大仙以爲仙尊
求入火聚火不能損八者常修梵行事夷制
叔羅水仙以爲仙尊求入江海水不能溺此
八種道以梵行力得生天上以不發正信迴
向心故天上壽盡還墮三惡道中
帝曰此八種道常修梵行博通外典即是世
間聰慧上人當時值佛應得悟正法云何不捨
諸見仍有此執法蘭法師對曰佛生難遇百
一小劫一佛出世佛未出已前造化之始或

有大力諸天或有自在聖人恐世無訓降生
此俗或作帝王或作師儒各舉己一或教梵
行或可教禮敬行或教事佛或教事日月神
或教事江海神或教事諸山神或教事水火
神或教事社稷神或教事先師神如是等種
種神明悉教事之衆生從劫初已來學習久
遠雖值佛出世有鈍根者感言我之所事從元
皇已來尊仰佛雖神異其教近耳何能捨本
從今亦時執見者在其道不滅
帝曰佛道之中亦有仙号已不法師對曰仙
者並傳梵行多諸技術是以爲世所尚佛初
成道時坐於菩提樹下世人未識是佛光明
顯照咸言摩訶大仙生未曾有也舍利弗目
連等坐卧空中神化自在各相謂言此是大
仙弟子天仙也佛以隨機應顯仙号生焉
帝曰弟子蒙法師說法心想朗然未審法師
豫設何法欲調伏道士
法師對曰龍吟雲起非蚯蚓之所能虎嘯風

生非跛驢之所及雷門無施布鼓電曜豈懼
螢光敵對即施何用預搔待痒

帝乃大笑弟子知師有證達之理無畏懼焉
法師對曰貧道未得過人法又不敢增上慢
譬如帝子爵位封王帝令即命將勅巡省革
易風俗其王見州郡縣官人豈有不懼以不

帝曰使者既是朕子又行朕命至於州郡縣
豈敢不懼

法師又問曰王巡省之次郡縣令長敢在王
前行自在以不

帝曰承朕威命所在官人懲肅畏法寧敢自在
法師曰如是如是誠如帝說貧道出家人亦

名法王子所持正法亦是法王金口所說所
在教化亦無畏懼若法行處一切諸天魔鬼
莫不奉敬道士小惠何足消伏

帝聞法師一言轉加意大即辭法師入城
勅有司令辦供設齋并勅五品已上文武內
外官人仰十五日平旦悉集白馬寺十三日

道士在白馬寺南門外道東裏東西置三壇
壇別開二十四門西壇置太上靈寶天尊經
合三百六十九卷中壇置諸子黃老等二十
七家書合有二百四十五卷東壇置饌食奠
祀百靈十四日帝設七寶行殿在白馬寺南
門道西百步置佛舍利及佛經像十五日平

且大眾普集已時齋訖

帝謂道士曰諸大德欲試今正是時先顯卿
等所能以示大眾道士等奉勅即以柴荻
和栴檀沉水等香木積遶西壇經教上復作
啓告啼哭流涕曰太上天尊經典與造化俱開
往哲今賢遵行不捨今為西域別教入亂華
俗臣等五岳諸山觀褚善信等合有六百九
十人敢以置經壇上以火取驗欲用曉示衆
生以辯真偽伏願上慈顯出神效即便放火
燒經經隨火化悉作灰燼
道士等見火焚經心大驚愕先時昇天者不
復能昇先時隱形者不復能隱先時入火者

不敢更入先善禁呪者呼策不應先有種種功能者施用無一可驗道士等大生慚愧帝謂道士曰卿等不聞益州部內有鍾山亡命賊在於山澤放縱自由謂無過者及其臺軍討罰形勢不立卿等今者亦復如是尔時太傅張衍語褚信曰卿今掄試無一効驗即是虛妄宜就西域真法 褚信對曰茅成子云太上者靈寶天尊是也造化之始謂之太素豈妄乎 張衍曰太素有貴德之名更無言教之稱今說有言教者即是虛妄也吾究尋典籍靈寶迥無氏族可依推尋古今靈寶亦無成道處所若靈寶自然者經典從何而生若說靈寶出世者古帝前王與誰說法虛受太上之名妄假天尊之号此是仙學法王說也濟於六道普潤含靈卿亦可歸真棄妄必須尊學若不奉敬可謂虛度百年無功而逝卿若慢心不信亦可專心黃老黃老雖無法王之量亦是前世聖人撰集雖同諸子言行甚

與託性無為道德之府也昔孝景皇帝常修行不倦道學從此生焉處百家之長得擬佛法為次至於茅成子列子莊子等書並學自然道遙塵外亦是黃老之次卿可慕焉獨專於靈寶也 褚信對曰靈寶有昇天隱地之功符禁鬼神之力履於水火無有不効今者以火焚經不蒙哀愍吾大生恥辱衍曰大之制小使其然也譬如州郡令長各處一境判決自由若對帝王威德不立卿等比較亦復如是今日卿等所學法者欲使山無猛獸之文世絕謬學之侶一則就真辯偽二則不誤將來 褚信默然不荅與南山道士曹叔才自感而死尔時佛舍利光明五色出直上空中旋環如蓋遍覆大衆映蔽日輪 摩騰法師先得阿羅漢果以慈善根力勇身高飛行於虛空中神化自在還坐本處怡然而住其時天雨寶華在於佛殿前及衆僧上

又聞天中音樂之聲感動人情大衆歡喜歎
未曾有也今時法師即於大衆中而說偈言
孤非師子類 燈非日月明 池無巨海納
丘無嵩岳嶽 法雲垂世界 善種得開萌
顯通希有法 處處化群生
法師說偈訖白道士曰諸大德欲有所問

者前出共論

今時嵩岳道士呂惠通對曰吾等諸人不量
德力輒欲比校向見神光顯照絕世難知又
逢大士神變奇特無比天樂垂音以開我等
迷路天華表瑞始知大道有歸我等未解聖
法焉敢諮問

明帝即從座起禮法師足白 法師曰弟子
常處生死淪沒愛河今值正教東傳之初願
法師大慈開蹤曉示
法師受請默然而許
帝勅大衆欲求法者前近法師座大衆圍遶
數百餘重各各靜然

今時法師即出大梵音聲微妙第一歎佛功
德不可思議亦令大衆稱揚三寶歎述善法
即爲大衆說人天地獄因緣法或說小乘阿
毗曇法或說大乘摩訶衍法或說懺悔滅罪
法或說出家功德法大衆既聞法已各生希
有心今時司空楊成侯劉善峻白法師曰

大德向者仰觀智慧與海同量非我凡流所
能度也我等欲憑大士出家充奉給侍願垂
聽許不

法師曰諸大衆發心出家是解脫業緣仁者
各有王難所繫非我所許

帝即前出白法師弟子比來常爲具假相乱
無慧能辯得蒙法鏡垂照始知實相有歸今
此會中有道士官人民庶及婦女等若能出
家者弟子自與剃頭三衣瓶鉢並悉施與別
立精舍奉之使學道法法師歎曰善哉善哉
帝之功德不可思議

今時大衆聞帝聽許皆大歡喜四岳諸山觀

道士呂惠通等六百二十人出家南岳觀道士褚善信費叔才在會身死南岳觀道士六十八人殯埋信等不預說法不得出家五品已上楊城侯劉善峻等九十三人出家時帝侍衛九品已上鎮遠將軍姜苟兒等一百七十五人出家京都治民及婦女阿潘等一百一十一人出家十六日

帝共大臣并文武官數百人與出家者剃頭日日設供夜夜然燈作種種伎樂比至正月三十日法服瓶鉢悉皆施訖即立十寺城外七寺城內三寺七寺安僧三寺安尼漢之佛法從此興焉

漢法本內傳九有五卷

第一卷明帝求法品

第二卷請法師立寺品

第三卷與諸道士比較度脫品

第四卷明帝大臣等稱揚品 第五卷廣通流布品

傳法記一卷

按玄通記云

漢桓帝建和三年己丑之歲有沙門安清是安息國王太子捨國出家存意遊化至洛陽譯出衆經漢靈帝嘉平五年丙辰之歲有一沙門支樓迦識出家是月支國人至洛陽譯出衆經漢靈帝光和二年己未之歲有沙門竺佛朔是月支國丞相棄相位願弘佛道開化衆生至洛陽譯出衆經

案魏書文帝黃初三年壬寅之歲有沙門曇摩迦羅中天竺國人至許都譯出經戒律

漢明帝永平十年至魏文帝黃初三年合一百五十年 案吳書吳主孫權赤烏四年

辛酉之歲有沙門康僧會是康居國人大丞相之長子志弘大道遊化諸國初達吳地營

立茅茨設像行道吳人初見謂是天異有司奏聞吳主曰漢明帝夢神号名爲佛是其遺

風乎即召僧會問之曰佛有何神驗也僧會對曰佛晦靈迹出餘千載唯有舍利至

心求者應現無方吳主曰若得舍利當爲起

塔如其虛妄國有常刑

僧會對曰舍利慈愍求即顯降若無感者當以死期何假王憲乃請至七日至三七日遂獲舍利五色光曜於天吳主即置舍利鐵碓上令大力者以鐵鎚擊而試之當即碓鎚俱陷於地舍利無損

吳主復置舍利剛炭火中舍利光明從火而出作大蓮華照曜官殿

吳主敬信僧會一遵其法即造建初寺爲舍利起七寶塔其地名佛陀里江東佛法自是興焉起黃初三年至吳赤烏四年凡二十年從永平十年至吳赤烏四年合一百七十

年康會是吳地僧之始教是吳地法之初吳

主孫權問尚書令都鄉侯闕澤曰

漢明帝夢神遣中郎蔡愔等向西域尋訪佛教至今可有幾年闕澤對曰從漢永平十年至赤烏四年合一百七十年吳主曰佛教入漢已久何緣今始傳至江東闕澤對曰漢明

帝永平十四年南岳道士褚善信朝正之次與諸山觀道士褚信同上一表乞與西域法師迦葉摩騰竺法蘭等比校介時佛教初到洛陽

漢明帝始立白馬寺興聖寺法師迦葉摩騰竺法蘭翻譯衆經始從漢讀

道士未達正法深淺不知上表乞與對驗明帝許之至正月十五日在白馬寺門南岳諸道士設壇將所學法名靈寶經置壇上放火焚之當時以正法力故道士書典悉從火化無有遺者復作種種伎術施用無效諸道士等皆大慚恥

南岳褚善信費叔才等在會中自感而死自餘道士明帝勅放還岳其時不預蘭法師說法者不得出家介時無人流布後遭漢政凌遲兵戎不息是以佛法一百七十年中滯而不通今遇法師僧會入來教化江東始得興行吳主曰孔丘老子二家得與佛道比對以

不闕澤對曰臣建安年中在洛陽遊學曾入法舉寺禮拜得遇法師惠鏡垂照講大乘經臣聞法愛樂當時遂憑法師在寺得聽法旨首尾向三年臣審知佛是無上法王衆聖所歸教加一切哀含万像深同巨海不簡細流明竝日月不嫌星燭會觸即化遇物斯乘天上人中自然尊大縱使天有普覆之功地有能載之力皆是諸佛建立使之然臣又尋魯孔丘者英才誕秀聖德不群世号素王制作經典訓弊周世教加來葉師儒之風澤潤今古亦有逸民如許成子廣成子原陽子列子老子莊子等百家諸子書皆修身翫習放暢山谷縱太其心學歸淡泊事乖人倫長幼之節亦非安世化民之風是以古人將爲滯隘蓋此之謂至漢景帝考諸百家以黃子老子義體尤深內外明遠改子爲經置立道學勅訓朝野令諷誦焉若將老孔二家遠方佛法遠則遠矣所以然者孔老設教法天制用

不敢違天諸佛設教法奉行不敢違佛以此言之實非此對明矣
吳主曰仙有靈寶之法何如
闕澤對曰靈寶者一無氏族可憑二無成道處所教出山谷無所知也直是幽居濫說非聖人所制
吳主荅之曰公學博精通攬無不悉宜加太子太傅領侍中尚書令如故案後涼書秦主苻堅建元十九年遣征西將軍醴泉公呂光西討龜茲國得沙門鳩摩羅什是龜茲國大丞相之長子呂光至涼州聞秦主姚萇所害光遂稱帝涼治姑臧羅什在涼州譯出大華嚴經以自翫適至秦主姚興弘始三年至長安譯出衆經佛法亦時大盛當晉大興三年按北涼州沮渠蒙遜永和二年有沙門曇摩讖是天竺國人至涼州譯出衆經至持地六度不譯戒品謂漢地人不能持戒隱而不譯時有比丘披讀經文怪無其

戒品遂即行道心專求夜夢見一道人授戒本與比丘得戒誦持至明告讖曰昨夜夢中見有法師授我戒品恐有所忘願與正之讖即令比丘誦之與本無異讖曰善哉善哉大德吾恐漢地人不能持戒不復譯之今大德求而得者漢地必有持者戒品從此流行當

晉隆安四年自此已後年年西國沙門傳法來者衆非記可盡論營記元魏正光元年歲次庚子七月明帝伽元服大赦二十三日請僧尼道士在佛殿前設齋齋訖帝語侍中劉騰宣勅請法師等與道士論議以釋弟子疑網

余時詣觀道士姜斌與融覺寺法師曇謨最對論帝問曰佛與老子同時以不姜斌對曰老子西入化胡以佛充侍者明是同時

法師問曰何以知之姜斌對曰案老子開天經是以得知

法師問曰老子當周何王幾年始生周何王幾年西入姜斌曰當周定王即位三年乙卯之歲在於楚國陳郡苦縣厲鄉曲仁里九月十四日夜子時生周簡王即位四年丁丑之歲事周爲守藏吏當周簡王即位十三年丙戌之歲遷爲太史當周敬王即位元年庚

辰之歲年八十五見周德陵遲遂與散關令尹喜西入化胡此足明矣法師對曰佛當周昭王二十四年歲次甲寅四月八日生當周昭王四十二年歲次壬申十九出家當周穆王二年歲次癸未三十成道當陽化世四十九載當周穆王五十二年歲次壬申二月十五日入般涅槃今計佛入涅槃後經三百四十五年至周定王三年老子始生生巳年八十五至周敬王元年經四百二十五年始與尹喜西入化胡此則年月日懸殊不同鄙夫一何闇說輒言佛爲侍者豈不高圻爲荅小乃謬乎姜斌曰案開天之文李柱史西入

化胡佛爲侍者亦應不謬

法師輒拒此事恐理未安法師對曰夫佛者法王也故能降靈兜率生出王宮万福圓備億善臻集普化三千均濟六道行即金花捧足坐即百寶蓮臺出則帝釋前駈入則梵王侍後左輔密跡以斷邪僞爲效右彌金剛以滅邪魔爲功無央菩薩以充法子無量聲聞以爲聖衆護世四王朝省天龍八部曉夜奉接天樂懸空如雲天華散落如雨師子一吼外道歸真法鼓自鳴邪魔從正何得與周截吏以爲侍者若周柱下史有法王子之量應在周世如現神通行有避世西迹方能化物若也柱下史能化其時周德雖曰衰微仍承文武成康之風柱下史旣乃周世五王何不加之以神變顯之以法藥授之若能此者如風在草危正自由何用潛迹於西遠化戎俗況法王柱下史相去四百二十餘年今言作周時爲侍者此亦誤之太甚深可興悼焉仁者旣有開天

之說此狂簡斐然文章何足依信

姜斌曰若生當昭王滅當周穆王時出何文記法師對曰出周書異記并出漢書法本內傳並有明文當今君子故應覽見不能爲君一人對衆更說

姜斌曰孔子旣是制法聖人當時於佛何得迴無一言記法師對曰直是仁者識同管闕覽不弔廣何得輒謗孔子於佛迴無一言記仁者若不相信孔子自有三備卜經佛之出世在中備仁者善自披究足得開曉

姜斌曰孔子聖人不言如志何假卜乎

法師曰唯佛是聖人諸法中王四生良導遠視一切衆生前後二際吉凶終始不假卜觀視如掌中自餘聖人雖曉本然之理必藉筮龜以通靈卦也

介時明帝即遣中書侍郎魏收又宣勅道士姜斌論無宗旨復云開天經言老子說者問姜斌此開天經何處得來是誰持與姜斌對

曰臣亡師道士張祥邊得

帝曰經在何處姜斌對曰在觀遣中書侍郎魏收尚書祖瑩等就觀取經將來帝遣文武官尚書郎已上議當太尉公蕭琮太府李寔衛尉卿許百桃吏部尚書邢巒散騎常侍温子昇等一百七人讀訖奏云老子止著五千

文西隱流沙更無言說此書虛妄專言老子化胡說十二部經臣等所議

姜斌罪當惑眾帝謂道士曰卿等比來專學此法何名求道諸道士對曰臣等並無此書今日始聞姜斌所說

帝即遣中書侍郎邢子才黃門侍郎楊寬等向觀重搜諸房搜訖盡無此書

帝曰姜斌一人罪合極刑付獄斬決今時廷尉卿元超領斌將出

三藏法師菩提流支諫曰

陛下新赦恩宥天下今復建齋以啓多福勅令論議開暢風猷姜斌雖可語無宗旨得沾

案會今陛下縱天怒之威就案法之中如欲戮人恐不當天意

帝曰弟子謹案經云佛在因中作國王時殺五百婆羅門不犯戒律今姜斌開天之說此即妖書惑亂朝庭今不斬決誤後不少法師極諫姜斌免死配徒馬邑

續集古今佛道論衡一卷

疑

扈音怒反戕音大刑也藥音形下識音形下

高音斤反圻音斤反預音搔反擗音擗反闕音澤反藉音筮反筮音上

製音下